

ЗААН ХАЙШАН ГЭЖЭ ЭЗЭЭЭ ЭРЭЭН ГҮРӨӨНЭННӨӨ АБАРААБ

Индусууд хургамал заануудтай байдаг. Нэгэ индус заантаяа ойдо түлээндэ ошобо.

Ойнь бүтүү ба зэрлиг байгаа. Заанинь эзэндээ ябах харгы гарган гэшхэжэ, модо унагаахадань туһалжа, эзэнинь тэдэ модонуудаа заан дээрээ ашажа байба.

Гэнтэ заанинь эзээ дуулахаа болижо, иишэ тишээ хараашалан, шэхэнүүдээ һэжэржэ оробо, тиигээд хоншоороо үргөөд, хашхарба. Эзэнинь мүн баһа иишэ тишээ хараашалба, теэд юушье обёорбогүй. Заандаа уурлажа, шэхэнүүдыень мүшэрөөр шабхадажа оробо. Заанинь эзээ нюрган дээрээ гаргахаа хоншоороо хятаруулба. Эзэнинь бодобо: „Хүзүүн дээрэнь һууһуу, тиигэбэл залахадамни бүри зохид болохо”.

Заан дээрээ гаража һуугаад, заанайнгаа шэхэнүүдыень мүшэрөөр шабхадажа оробо. Заанинь сухаржал, нэгэ дороо гэшхэжэл, хоншоороо һэжэржэл байба. Һүүлээрнь хүдэлхөө болёод, бээ эһэшэбэ.

Эзэнинь заанаа бүхы шадалаараа шабхадаад абахаяа мүшэрөө далайба, теэд энэ үедэ гэнтэ бургааһан сооһоо айхабтар томо эрээн гүрөөһэн харайн гаража ерэбэ. Тэрэ эрээн гүрөөһэн заанай хойноһоонь добтолон орожо, нюрган дээрэнь хүрэн гараха гэһэн байгаа.

Теэд тэрэ һабарнуудаараа ашаатай түлээндэ аһажа, түлээн задаран унашаба. Эрээн гүрөөһэн дахин хүрэхөө забдаба, теэд заан одоо эрьелдэшэһэн байжа, эрээн гүрөөһыне гэдэһэн дундуурнь хоншоороороо тэбэрин баряад, бүдүүн аргамжаар хүлижэрхиһэн шэнгээр, хабшажархиба. Эрээн гүрөөһэн амаяа ангайлгажа, хэлээ гаргаад, һабарнуудаа арбалзуулан байба. Заан тэрэниие дээрэ үргөөд, һүүлээрнь газар сохижо, хүлнүүдээрээ дэһэжэ оробо.

Заанай хүлнүүдынь гэжэ столбнууд шэнги ха юм.

Зааншье эрээн гүрөөһые низа дэбһэжэрхибэ. Эзэниинь айшаһанаа һэгээ ороходоо, иигэжэ хэлэбэ:

— Заанаа сохижо байха юун гэхэн уймар хүн гээшэби!
Энэмни ами наһыемни абараа ха юм.

Эзэниинь өөрөө эдихээ абажа ябаһан талхаяа сүүмхэ сооһоо гаргаад, бараниинь заандаа үгэжэрхибэ.